

**Bosna i Hercegovina**  
**Ministarstvo odbrane/obrane**



Broj: ~~11~~-50-5103/11  
Sarajevo, 20.12. 2011. godine.

21/2-50-4  
22-12-2011  
Босна и Херцеговина  
Министарство одбране  
BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 22-12-2011			
Organizaciona jedinica	Klasifikaciona oznaka	Radni broj	Broj priloga
01	50-1-15	12/11	

**PARLAMENTARNA SKUPŠTINA BOSNE I HERCEGOVINE**  
**Zastupnički dom/ Predstavnički dom**  
**SARAJEVO**

**PREDMET:** *Odgovori na poslanička pitanja, d o s t a v l j a .-*

*VEZA: Vaš dopis, broj: 01/a-50-1-15-12/11 od 01.11.2011. godine*

Poštovani,

U prilogu akta dostavljamo Vam odgovore na poslanička pitanja poslanice Dušanke Majkić, postavljena na 12. sjednici Predstavničkog doma Parlamentarne skupštine Bosne i Hercegovine, održanoj 27. oktobra 2011. godine.

*Prilog: odgovori na poslanička pitanja*

Dostavljeno:  
- naslovu,  
- a/a.



**MINISTAR**

**dr. Selmo Cikotić**



Poslanica Dušanka Majkić je na 12. sjednici Predstavničkog doma Parlamentarne skupštine Bosne i Hercegovine, održanoj 27. oktobra 2011. godine, postavila pitanja sljedeće sadržine:

**1. „Da li su Ministarstvo odbrane i Zajednički štab upoznati sa Izvještajem o uočenim primjedbama i nedostacima na helikopteru A-2603, broj 16-14-16-15-09-50-sl-1-48/10 od 11.05.2010. godine, koji je remontovan u Ukrajini.**

**2. Da li je prikrivanje nedostataka na pomenutom helikopteru od strane nadležne komande, direktno ugrožavanje života i bezbjednosti letenja? Da li će neko zbog toga biti sankcionisan?**

**3. Da li je stavljeno van snage rješenje o izricanju kazne (smanjenje plate od 21%) za zastavnika Duška Mrđu, s obzirom da je njegova pritužba na rješenje doneseno u prvostepenom postupku proglašena osnovanom, te da li su ispoštovane sve preporuke vojnog povjerenika iz akta broj UP 1/05/3-50-17-1-24/11? Šta će ministarstvo poduzeti po tom osnovu?**

**4. Da li je pokrenuta odgovornost protiv lica u Oružanim snagama BiH koja su kažnjena novčanom kaznom pukovnika Predraga Paninčića prije nego što je okončan postupak protiv Duška Mrđe? (izvršeno je i njemu umanjenje plate prije okončanja postupka.)**

**5. Poznato je da je Odlukom Predsjedništva BiH o veličini i strukturi Oružanih snaga BiH jasno rečeno da se za Oružane snage BiH ne predviđa posjedovanje letilica sa fiksnim krilima odnosno avijacije. Zbog čega je Ministarstvo napravilo i proguralo na Savjetu ministara protuzakonitu odluku o posebnim dodacima na plate (tzv. „letački dodatak“) za profesionalna vojna lica u Ministarstvu odbrane („Službeni glasnik BiH“ broj 02/09).**

**6. Na osnovu čega je Ministarstvo do sada isplaćivalo „letački dodatak“ kad piloti nisu raspoređeni na odgovarajuća formacijska mjesta, nego se nalaze na visokim pozicijama od Ministarstva odbrane BiH i Zajedničkog štaba OS do vojnog predstavništva BiH u Briselu?“**

Na postavljena poslanička pitanja, Ministarstvo odbrane BiH u smislu člana 155. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 33/06, 41/06, 81/06, 91/06, 91/07 i 87/09), dostavlja sljedeći :

## **ODGOVOR**

**1.** Da, nadležne institucije u sistemu Oružanih snaga BiH su konstantno upoznate sa stanjem resursa, a samim tim su bile upoznate i sa pomenutim Izvještajem, svako u svom djelokrugu rada i obaveza.

**2.** Nije bilo prikrivanja nedostataka na helikopteru A-2603, niti je bilo ugrožavanja života i bezbjednosti letenja, vanrednih situacija (događaja) u letu, kao ni vazduhoplovnih udesa ni na jednoj letjelici iz Oružanih snaga BiH.

Obzirom na tu okolnost nije bilo razloga za izricanje bilo kakvih sankcija za lica koja učestvuju u organizaciji i sprovođenju letenja.

3. Zastavnik Duško Mrđa je Rješenjem prvostepenog vojnodisciplinskog vijeća Brigade vazdušnih snaga i protiv vazdušne odbrane, broj 16-14-16-01-3-34-5-425-11/10 od 27.12.2010. godine, kažnjen disciplinskom kaznom **“Smanjenje plaće 21% u trajanju od pet mjeseci”**, zbog toga što je utvrđeno da je počinio disciplinski prijestup iz člana 6. stav 1. tačka a) **“neizvršavanje ili odbijanje izvršenja komandi, odluka ili naredbi pretpostavljenog”** iz Pravilnika o vojnoj disciplini i disciplinskom postupku, broj 04-02-1250/06 od 06.05.2006. godine, tako što je protivno tački 3. Naređenja komandanta Brigade ZS i PZO, koja se odnosi na zabranu iznošenja dokumentacije i evidencije iz vojnih objekata, osim ako je potrebno za određene brifinge, seminare, sastanke i slično uz urednu evidenciju, iznio službena akta o stanju helikoptera, što je imalo za posljedicu da navedena dokumentacija dođe u posjed neovlaštenih osoba.

U provedenom postupku nesporno je utvrđeno da je imenovani učinio disciplinski prijestup koji mu se stavlja na teret, te je u skladu sa utvrđenim činjenicama izrečena odgovarajuća kazna.

Imenovanom je dato pravo žalbe na prvostepeno rješenje, na koje je prema ocjeni prvostepenog organa, imenovani uložio neblagovremenu žalbu, u vezi čega je i pokrenuo postupak za zaštitu svojih prava podnošenjem pritužbe kod Parlamentarnog vojnog povjerenika.

U postupku po pritužbi Parlamentarni vojni povjerenik BiH je utvrdio da je pritužba zastavnika Duška Mrđe osnovana i da mu nije omogućeno pravo na žalbu shodno važećim propisima.

Na osnovu preporuke Parlamentarnog vojnog povjerenika BiH, Ministarstvo odbrane je aktom broj: 10-34-1-3835-1/11 od 22.09.2011, naložilo Zajedničkom štabu OS BiH da poduzme radnje i postupke iz svoje nadležnosti i osigura da se preporuke Parlamentarnog vojnog povjerenika ispoštuju, i u skladu sa odredbama Pravilnika o vojnoj disciplini i disciplinskom postupku žalba imenovanog na prvostepeno rješenje odmah proslijedi drugostepenom vojnodisciplinskom vijeću na nadležno rješavanje, kao i da se ponište sve pravne posljedice koje su nastupile po imenovanog od dana donošenja prvostepenog rješenja.

U skladu sa navedenim, Ministarstvo odbrane je putem ZŠ OS BiH zaprimilo 24.11. 2011. godine podnesak koji je označen kao žalba zastavnika Duška Mrđe, koje će razmatrati drugostepeno vojnodisciplinsko vijeće MO BiH, i u skladu sa svojim nadležnostima i ovlaštenjima donijeti konačnu odluku.

Drugostepeno vojnodisciplinsko vijeće će otpočeti rad na ovom predmetu prema redosljedu prispeća vojnodisciplinskih predmeta, a po donošenju konačne odluke obavijestit će Zajedničku komisiju za odbranu i sigurnost i Parlamentarnog vojnog povjerenika.

4. Pukovnik Paninčić Predrag kažnjen je Rješenjem prvostepenog vojnodisciplinskog vijeća Brigade vazdušnih snaga i protiv vazdušne odbrane, broj 16-14-16-01-3-34-5-424-11/10 od 27.12.2010. godine, disciplinskom kaznom **“smanjenje plaće 21% u trajanju od pet mjeseci”**, zbog toga što je utvrđeno da je počinio disciplinski prijestup iz člana 6. stav 1. tačka z) **“prikrivanje ili neprijavlivanje počinitelaca disciplinskog prestupa”** iz Pravilnika o vojnoj disciplini i disciplinskom postupku, broj: 04-02-1250/06 od 06.05.2006. godine, tako što nije prijavio lice koje je počinilo disciplinski prijestup, u ovom slučaju zastavnika Duška Mrđu.

U provedenom postupku nesporno je utvrđeno da je imenovani počinio disciplinski prijestup koji mu se stavlja na teret, te je u skladu sa utvrđenim činjenicama i izrečena odgovarajuća kazna. Imenovanom je dato pravo žalbe na prvostepeno rješenje što je i učinio.

Drugostepeno vojnodisciplinsko vijeće je žalbu odbilo kao neosnovanu i potvrdilo odluku prvostepenog vojnodisciplinskog vijeća, jer je utvrđeno da je prvostepeno vojnodisciplinsko vijeće potpuno pravilno utvrdilo činjenice, pravilno primjenilo materijalne propise i izreklo odgovarajuću disciplinsku kaznu. Imenovanom je data mogućnost pokretanja upravnog spora pred Sudom BiH.

Napominjemo da u vojnodisciplinskim postupcima odlučuju tročlana disciplinska vijeća sastavljena od predstavnika konstitutivnih naroda. Također, Ministarstvo odbrane stoji na raspolaganju da u svakom konkretnom slučaju u kojem se pojavljuje pitanje diskriminacije po bilo kom osnovu dostavi svu relevantnu dokumentaciju i stavi na raspolaganje stručna lica koja će dati pojašnjenje za svaki konkretan predmet.

U konkretnom slučaju pukovnika Paninčića Predraga, čija je disciplinska odgovornost na nesporan način utvrđena u vojnodisciplinskom postupku neće biti nikakvog pokretanja odgovornosti protiv lica koja su izrekla disciplinsku kaznu, jer je ona izrečena na zakonit način, po zakonom propisanoj proceduri, pri čemu je imenovanom data mogućnost žalbe i sudske zaštite.

5. U Odluci Predsjedništva BiH o veličini, strukturi i lokacijama Oružanih snaga BiH, broj 01-011-1110-6/06 od 05.jula 2006. godine, navedeno je da Oružane snage BiH imaju u sastavu brigade ZS i PZO avijacijsku eskadrilu koja je formirana na lokaciji Mahovljani.

Avijacijska eskadrila u svom sastavu ima pilote i avione tipa galeb, orao i jastreb koji se trenutačno ne koriste u letačkoj obuci.

U Poglavlju VII Prijelazne odredbe Odluke o veličini, strukturi i lokacijama Oružanih snaga BiH se navodi: "Odluku o postojanju jedinice aviona u okviru Oružanih snaga BiH, na prijedlog ministra odbrane, razmotrit će Predsjedništvo BiH do završetka procesa tranzicije, a najkasnije do 31.12.2007. godine".

Ministarstvo odbrane BiH je 2008. godine uputilo prijedlog Predsjedništvu BiH, međutim Predsjedništvo BiH još uvijek nije donijelo konačnu odluku u vezi postojanja jedinice aviona u Oružanim snagama. Donošenjem odluke Predsjedništva BiH o jedinici aviona će se riješiti i pitanje pilota aviona.

Trenutno piloti aviona lete na klipnim avionima Utva-75 (V-53) kako bi ostali u letačkoj kondiciji.

U drugom dijelu pitanja se navodi da je Ministarstvo odbrane napravilo i proguralo na Savjetu ministara protuzakonitu odluku o posebnim dodacima na plate (tzv."letački dodatak") za profesionalna vojna lica u Ministarstvu odbrane.

Ministarstvo odbrane BiH je nadležno da izradi prijedloge pravilnika i druge podzakonske akte vezane za ratno zrakoplovstvo i protuzračnu odbranu kao vid Oružanih snaga BiH.

Pravilnik o vojnim letaćima i letačkoj službi u Ministarstvu odbrane i Oružanim snagama BiH, broj 13-02-3-1626/10 od 01.04.2010. godine, propisao je ko ima letačko zvanje (član 2.) i shodno tome ko i po kom osnovu ima pravo na dodatak na plaću, tzv.letački dodatak (član 58.).

U skladu sa navedenim, piloti primaju letački dodatak ispunjavajući kriterije propisane Godišnjim planom naleta koji odobrava nadležni nivo rukovođenja i komandovanja, a koji ovisi o raspoloživim sredstvima u brigadi ZS i PZO (gorivo i resursi letjelica).

U slučaju da navedena lica ne ostvaruju planirani godišnji nalet, prema važećem Pravilniku o vojnim letaćima, razvrstavaju se u niže kategorije letaća i pored toga što su najkvalifikovanija lica u toj oblasti u OS BiH.

Zbog navedenih strogih pravila i uslova za vojne letače, istima se mora omogućiti letenje ma gdje bili raspoređeni u strukturi MO ili OS BiH, a samim tim imaju pravo i na letački dodatak, jer lete.

Pravilnik o vojnim letačima i letačkoj službi u MO i OS BiH je u potpunosti usklađen sa NATO standardima i provedena je kompletna zakonska procedura usaglašavanja i pribavljanja meritornih mišljenja u donošenju Pravilnika.

6. Ministarstvo odbrane BiH isplaćuje letački dodatak u skladu sa Pravilnikom o vojnim letačima i letačkoj službi u Ministarstvu odbrane BiH i Oružanim snagama BiH, broj 13-02-3-1626/10 od 01.04.2010. godine i Pravilnikom o izmjenama i dopunama Pravilnika o plaćama i drugim naknadama profesionalnih vojnih lica na službi u Ministarstvu odbrane BiH i Oružanim snagama BiH, broj 04-02-03-1353-1/07 od 06.09.2007. godine.

Konstatacija da su pojedini piloti raspoređeni i izvan brigade ZS, temelji se na činjenici da pojedina formacijska mjesta u MO i ZŠ zahtijevaju najviši nivo stručnosti i znanja iz oblasti zrakoplovstva, kao i da u svim zajedničkim štabovima i ministarstvima odbrane postoje pozicije koje popunjavaju oficiri ne samo kopnene vojske već i mornarice i zrakoplovstva. Takav slučaj je i sa pilotima i zrakoplovcima koji su raspoređeni po komandama i štabovima u OS BiH.

S poštovanjem,

Dostavljeno:

- naslovu,
- a/a.

**MINISTAR**

**dr. Selmo Cikotić**

